

Broj: 01-02/2-2594/25 SK/ED
Sarajevo, 08.12.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
PREDSTAVNIČKI DOM
n/r gđin Dragan Mioković, predsjedavajući
n/r gđa Bisenija Mušedinović, poslanik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 10-12-2025

Org. jed.	Broj	Priloga	Vrijednost
05/1	- 02 - 473	/25	

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

Predmet: Odgovor na poslaničku inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-473/25 od 29.10.2025. godine i akt sekretara Vlade Federacije Bosne i Hercegovine, broj: 03-04-1825-3/2025 od 03.11.2025. godine

Poštovani,

Aktima broj i datum veze, između ostalih, Federalnom ministarstvu rada i socijalne politike dostavljena je Inicijativa Bisenije Mušedinović, poslanika u Predstavničkom domu Parlamenta Federacije Bosne i Hercegovine, koju je podnijela na 25. redovnoj sjednici Predstavničkog doma Parlamenta Federacije Bosne i Hercegovine, održanoj 28.10.2025. godine, a koja glasi: „Traži se formiranje radne grupe koja bi koordinirala izradu smjernica o značaju, ulozi i pravima osobe od povjerenja, u skladu sa Zakonom o zaštiti od nasilja u porodici i nasilja nad ženama u Federaciji BiH, pratila njihovu implementaciju i predlagala eventualne tehničke dorade u skladu sa praksom, te da se dostave jasne smjernice centrima za socijalni rad, ali i svim nadležnim sektorima budući da se institut osobe od povjerenja primjenjuje od trenutka prijave nasilja i tokom svih faza postupanja“, dajemo sljedeći odgovor iz okvira nadležnosti ovog Ministarstva:

S obzirom da je identična inicijativa postavljena na 24. redovnoj sjednici Predstavničkog doma Parlamenta Federacije Bosne i Hercegovine, održanoj 25.09.2025. godine, te da je ovo Ministarstvo dostavilo odgovor na istu (u prilogu), u kojem smo, između ostalog, predložili formiranje međusektorske radne grupe koja bi koordinirala izradu smjernica, a budući da je Federalno ministarstvo pravde obrađivač i predlagač zakona, ono je u pravilu nosilac inicijative za tumačenje i koordinaciju provedbe zakonskih instituta.

Naime, Federalno ministarstvo rada i socijalne politike prepoznaje važnost dosljedne primjene člana 18. Zakona o zaštiti od nasilja u porodici i nasilja prema ženama u

Federaciji BiH („Službene novine Federacije BiH“, broj: 19/25). Imajući u vidu da se institut osobe od povjerenja primjenjuje od trenutka prijave nasilja i tokom svih faza institucionalnog postupanja, **cijenili smo da je praktičnije izraditi smjernice koje će obuhvatiti sve subjekte zaštite, shodno čl. 13. i 18. Zakona, uključujući centre za socijalni rad, policiju, pravosuđe i zdravstvene ustanove i dr., kao jedinstven multisektorski odgovor i jasnu podršku žrtvama nasilja. Na taj način bi se osigurala dosljedna primjena zakona i ujednačeno postupanje svih subjekata zaštite definisanih samim zakonom.**

Međutim, s obzirom da je ponovno dostavljena inicijativa po istom pitanju, te da se trenutno daje prioritet donošenju smjernica za uposlene u centrima za socijalni rad, obavještavamo Vas da će ovo Ministarstvo u narednom periodu pokrenuti aktivnosti u okviru svojih nadležnosti, u saradnji sa kantonalnim ministarstvima nadležnim za oblast socijalne zaštite, uz konsultacije sa relevantnim stručnjacima i organizacijama civilnog društva koje imaju iskustva u pružanju podrške žrtvama nasilja u porodici, na izradi smjernica.

Smjernice će biti namijenjene centrima za socijalni rad/službama socijalne zaštite i kantonalnim ministarstvima nadležnim za oblast socijalne zaštite u Federaciji BiH, s ciljem otklanjanja nejasnoća u primjeni zakona i osiguravanja da pravo žrtve na osobu od povjerenja bude poštovano od trenutka prijave nasilja do završetka svih relevantnih postupaka.

Istovremeno, one će olakšati rad stručnih radnika organa starateljstva, pružajući im jasan okvir i praktične korake za primjenu ovog instituta u svakodnevnom radu, čime će se unaprijediti postupanje i osigurati dosljedna zaštita žrtava nasilja. Smjernice će se zasnivati na zakonskom okviru, dobrim praksama iz regije, preporukama međunarodnih tijela, te iskustvima organizacija koje pružaju direktnu podršku žrtvama nasilja u Federaciji BiH.

S poštovanjem,



Prilog:

- Akt broj: 01-02/2-2311/25 SK/ED od 13.10.2025. godine

Dostavljeno:

- Naslovu
- a/a

Broj: 01-02/2-2311/25 SK/ED
Sarajevo, 13.10.2025. godine

14-10-2025

efp
14-10-2025

**BOSNA I HERCEGOVINA
FEDERACIJA BOSNE I HERCEGOVINE**

**PARLAMENT FEDERACIJE
PREDSTAVNIČKI DOM**

n/r gđin Dragan Mioković, predsjedavajući
n/r gđa Bisenija Mušedinović, poslanik

FEDERALNO MINISTARSTVO PRAVDE
n/r gđin Vedran Škobić, ministar

15-10-2025 A.P.

VLADA FEDERACIJE BOSNE I HERCEGOVINE
n/r gđa Edita Kalajdžić, sekretar

14.10.2025

Predmet: Odgovor na poslaničku inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-473/25 od 29.09.2025. godine i akt sekretara Vlade Federacije Bosne i Hercegovine, broj: 03-04-1646-3/2025 od 01.10.2025. godine

Poštovani,

Aktima broj i datum veze, Federalnom ministarstvu pravde i Federalnom ministarstvu rada i socijalne politike dostavljena je Inicijativa Bisenije Mušedinović, poslanika u Predstavničkom domu Parlamenta Federacije Bosne i Hercegovine, koju je podnijela na 24. redovnoj sjednici Predstavničkog doma Parlamenta Federacije Bosne i Hercegovine, održanoj 25.09.2025. godine, te koja glasi: „*da se dostave jasne smjernice centrima za socijalni rad, a putem nadležnih kantonalnih ministarstava o: ulozi, pravima i značaju osobe od povjerenja, a prema Zakonu o zaštiti od nasilja u porodici i nasilja nad ženama u Federaciji BiH*“. U vezi naprijed navednog, dajemo odgovor iz okvira nadležnosti Federalnog ministarstva rada i socijalne politike:

Povodom dostavljene poslaničke inicijative kojom se traži izrada jasnih smjernica za centre za socijalni rad o ulozi, pravima i značaju osobe od povjerenja, u skladu sa članom 18. Zakona o zaštiti od nasilja u porodici i nasilja prema ženama u Federaciji Bosne i Hercegovine („Službene novine FBiH“, broj 19/25), Federalno ministarstvo rada i socijalne politike izražava punu spremnost da, u okviru svojih nadležnosti, učestvuje u procesu izrade i distribucije predmetnih smjernica.

S obzirom na to da je navedeni zakon u nadležnosti Federalnog ministarstva pravde kao obrađivača i predlagača, te da institut osobe od povjerenja proizlazi iz zakonskog teksta, smatramo da bi izrada smjernica trebala biti rezultat koordinirane međuresorne saradnje.

Iako inicijativa eksplicitno traži smjernice za centre za socijalni rad, imajući u vidu da se institut osobe od povjerenja primjenjuje od trenutka prijave nasilja i tokom svih faza

institucionalnog postupanja, smatramo da bi smjernice trebale obuhvatiti sve nadležne sektore — uključujući policiju, pravosuđe, zdravstvo i socijalnu zaštitu. U tom smislu, predlažemo formiranje međusektorske radne grupe koju bi činili predstavnici relevantnih institucija, uz konsultacije s relevantnim stručnjacima i organizacijama civilnog društva koje pružaju odnosno imaju iskustva u ovakvom vidu podrške žrtvama nasilja.

U cilju otklanjanja svih nejasnoća u vezi s primjenom instituta osobe od povjerenja, te osiguravanja dosljedne zaštite prava žrtava nasilja, predlažemo da se razmotri formiranje zajedničke radne grupe koja bi koordinirala izradu smjernica i pratila njihovu implementaciju i ujedno predlagala eventualne tehničke dorade u skladu s praksom. Federalno ministarstvo rada i socijalne politike, kao institucija nadležna za oblast socijalne zaštite, preuzima obavezu da, po prijemu usaglašenih smjernica, osigura njihovu distribuciju i primjenu putem nadležnih kantonalnih ministarstava i centara za socijalni rad/službi socijalne zaštite.

S poštovanjem,



Dostavljeno:

- Naslovu
- a/a

Pripremio: Sektor za socijalnu zaštitu i zaštitu porodice i djece
Kontrolisala: Saida Kastrat, sekretar Ministarstva